

Sumbangan Kecil, Besar **Kasih**Sayang



 **MikroSayang**

PERLINDUNGAN
tenang
MAMPU & MUDAH


MUDAHNYA

UNTUK DAPATKAN PERLINDUNGAN!

Budaya saling membantu tidak asing lagi di kalangan masyarakat kita. Walau sekecil mana sumbangan yang diberikan, ianya boleh membawa bantuan yang besar kepada mereka yang memerlukan. Begitu juga apabila anda mencarum MikroSayang, anda bukan sahaja melindungi diri sendiri, malah anda juga saling melindungi pencarum-pencarum yang lain melalui dana Tabarru'. Nilai inilah yang mengukuhkan lagi ikatan perpaduan kita sebagai masyarakat majmuk. Bak kata pepatah, sepakat membawa berkat.



KELAYAKAN



Berumur 19 hingga 55 tahun



Warganegara Malaysia



Memiliki nombor telefon bimbit
berdaftar di Malaysia



Memiliki alamat emel untuk
berhubung




Tidak bankrap

Anda boleh dapatkan perlindungan ini dengan hanya RM4.20 sebulan ataupun serendah RM0.14 sen sehari.

PELAN A: HOSPITALISASI

CIRI-CIRI PRODUK



Tertakluk pada terma dan syarat.

Anda boleh dapatkan perlindungan ini dengan hanya RM4.20 sebulan ataupun serendah RM0.14 sen sehari.

PELAN B: PENYAKIT KRITIKAL

CIRI-CIRI PRODUK

MANFAAT PENYAKIT KRITIKAL



Satu (1) kali bayaran berjumlah RM5,000 bagi Penyakit Kritikal yang didiagnos dalam tempoh perlindungan

MANFAAT KEMATIAN AKIBAT KEMALANGAN



Satu (1) kali bayaran berjumlah RM5,000 bagi kematian akibat daripada kemalangan



PELAN B



RM50 setahun atau
RM4.20 sebulan

CARUMAN

Tertakluk pada terma dan syarat.

Anda boleh dapatkan perlindungan ini dengan hanya RM7.50 sebulan ataupun serendah RM0.25 sen sehari.

PELAN C: HOSPITALISASI & PENYAKIT KRITIKAL

CIRI-CIRI PRODUK

MANFAAT PENYAKIT KRITIKAL

Satu (1) kali bayaran
berjumlah RM5,000 bagi
Penyakit Kritikal yang
didiagnos dalam tempoh
perlindungan



MANFAAT HOSPITALISASI



RM50 sehari, terhad
kepada 14 hari setahun



RM90 setahun atau
RM7.50 sebulan

CARUMAN

Satu (1) kali bayaran
berjumlah RM5,000
bagi kematian
akibat daripada
kemalangan



MANFAAT KEMATIAN AKIBAT KEMALANGAN

Tertakluk pada terma dan syarat.

MILIKI PERLINDUNGAN DENGAN 6 LANGKAH MUDAH



Pilih 1 daripada 3 plan ini:

- A Hospitalisasi
- B Penyakit Kritikal
- C Hospitalisasi & Penyakit Kritikal



Layari laman web
www.mikrosayang.com



Isikan maklumat peribadi, baca dan fahamkan Risalah Pemberitahuan Produk, Soalan Lazim, dan Deklarasi Aqad. Pembantu virtual kami, Aira akan membantu anda.



Sebutharga akan dipaparkan.
Baca dan terima Borang Cadangan Takaful.



Buat pembayaran.



Selesai! Anda boleh log masuk ke akaun anda untuk mengemaskini maklumat, hantar permohonan tuntutan dan membaca maklumat Sijil.


DAPATKAN GANJARAN DENGAN LEBIHAN PENGUNDERAITAN DAN KEUNTUNGAN PELABURAN

Sebarang lebihan pengunderaitan daripada Dana Tabarru'¹ yang ada selepas penyelerasan dilakukan untuk tujuan kontigensi akan dikongsi bersama semua peserta dan Pengendali Takaful dengan nisbah 50:50. Bahagian yang diagihkan kepada peserta akan disalurkan kepada mana-mana pertubuhan kebajikan yang diluluskan oleh Jawatankuasa Syariah Pengendali Takaful disebabkan ciri produk ini yang berjangka pendek dan jumlah yang dianggarkan mungkin terlalu kecil untuk diedarkan kepada peserta.

Sebarang keuntungan pelaburan yang terhasil daripada Dana Tabarru' akan dikongsi bersama semua peserta dan Pengendali Takaful dengan nisbah 50:50. Bahagian yang diagihkan kepada peserta akan disalurkan kepada mana-mana pertubuhan kebajikan yang diluluskan oleh Jawatankuasa Syariah Pengendali Takaful disebabkan ciri produk ini yang berjangka pendek dan jumlah yang dianggarkan mungkin terlalu kecil untuk diedarkan kepada peserta. Sebarang kerugian akan dibawa ke hadapan dan akan diambil kira sebelum dimasukkan dalam pengiraan lebihan pengunderaitan atau defisit pada tahun seterusnya.

Nota: Lebihan pengunderaitan dan keuntungan pelaburan akan dikira secara tahunan.

¹ Dana Tabarru' merujuk kepada kumpulan dana yang diwujudkan bagi tujuan perpaduan dan kerjasama antara Peserta yang digunakan untuk membantu semua Peserta seandainya berlaku perkara yang tidak diingini.



NIKMATI PELEPASAN CUKAI



Anda layak menerima pelepasan cukai perseorangan apabila anda menyertai produk ini. Bagi individu selain daripada kategori penjawat awam berpencen, pelepasan cukai untuk Takaful Keluarga adalah terhad kepada RM3,000 manakala individu dalam kategori penjawat awam berpencen layak mendapat pelepasan cukai terhad sebanyak RM7,000. Pelepasan cukai bagi Takaful Pendidikan atau Takaful Perubatan pula adalah sebanyak RM3,000.

Nota: Pelepasan Cukai tertakluk kepada Akta Cukai Pendapatan Malaysia 1967 dan keputusan muktamad Lembaga Hasil Dalam Negeri.

SOALAN LAZIM



- Berapakah umur kelayakan bagi pelan ini?**
Anda hendaklah berumur di antara 19 – 55 tahun untuk layak menyertai pelan ini.
- Adakah saya perlu menjalani pemeriksaan kesihatan sebelum saya boleh menyertai dalam MikroSayang?**
Anda tidak perlu menjalani sebarang pemeriksaan kesihatan.
- Bolehkah saya mendapatkan perlindungan tanpa pendaftaran bagi perlindungan MikroSayang melalui laman web?**
Tidak, produk ini hanya boleh disertai melalui laman web MikroSayang.
- Berapakah caruman yang perlu saya bayar?**
Anda perlu membayar caruman bergantung kepada pelan MikroSayang yang telah anda pilih. Sila rujuk Jadual Caruman, bagi caruman yang dibayar bagi setiap pilihan pelan seperti yang dinyatakan di bawah.

Jenis Pelan	Caruman (RM)			
	Bulanan	Suku Tahunan	Setengah Tahunan	Tahunan
Pelan A	4.20	12.50	25	50
Pelan B	4.20	12.50	25	50
Pelan C	7.50	22.50	45.00	90.00

Sila pastikan anda membayar caruman di dalam masa yang ditetapkan. Tempoh tenggang sehingga tiga puluh (30) hari dari setiap tarikh Caruman berikut yang perlu dibayar adalah dibenarkan untuk membayar Caruman yang selanjutnya. Perlindungan akan terbatal selepas Tempoh Tenggang berakhir.

- Bagaimanakah saya boleh membuat bayaran caruman bagi perlindungan MikroSayang?**
Anda boleh membuat bayaran caruman secara debit terus atas talian, kad kredit atau menggunakan arahan bank.
- Apakah yuran dan caj yang dikenakan?**
 - Caj Pendahuluan (Yuran Wakalah)
Caj Pendahuluan adalah amaun yang ditolak terdahulu dari Dana Tabarru' (sebagai peratusan Caruman ditolak Cukai Perkhidmatan dan/atau cukai-cukai lain, jika ada), yang terdiri daripada:
 - kos pengedaran langsung, dan
 - perbelanjaan pengurusan bagi menguruskan Sijil anda, termasuk duti setem sebanyak RM10 (jika terpakai).
 - Tabarru'
Tabarru' adalah jumlah baki di dalam Dana Tabarru' setelah penolakan Caj Pendahuluan, sebagai tujuan menyediakan perlindungan dan menampung tuntutan ke atas kejadian/risiko yang dilindungi di bawah Sijil Takaful.

7. **Bolehkah saya menyertai produk ini melalui ejen?**

Produk ini hanya boleh disertai melalui laman web MikroSayang.

8. **Bolehkah saya membuat perubahan terhadap tarikh berkuat kuasa Sijil bagi perlindungan saya selepas saya telah menyertai produk ini?**

Tarikh berkuat kuasa Sijil tidak boleh diubah selepas anda telah menyertai produk ini.

9. **Bolehkah saya memohon lebih daripada satu (1) perlindungan MikroSayang dalam satu masa?**

Setiap Orang Yang Dilindungi dibenarkan untuk menyertai satu (1) produk MikroSayang dalam satu masa.

10. **Bagaimanakah saya boleh menghubungi Great Eastern Takaful Berhad jika saya mempunyai sebarang pertanyaan?**

Bagi pertanyaan umum dan yang berkenaan dengan Sijil, anda boleh emel secara langsung kepada kami di MikroSayang@greateastertakaful.com.

APENDIKS 1



Penyakit-penyakit kritikal ini tertakluk pada tempoh menunggu 30/60 hari dan tempoh kelangsungan hidup 7 hari bagi pembayaran manfaat penyakit kritikal.

01	Penyakit Alzheimer/Demensia Teruk	24	Jangkitan HIV Melalui Transfusi Darah
02	Angioplasti dan Rawatan Invasif Lain untuk Penyakit Arteri Koronari	25	Kegagalan Buah Pinggang – memerlukan dialisis atau transplan buah pinggang
03	Sindrom Apallik	26	Kehilangan Upaya Hidup Sendiri (Berdikari)
04	Meningitis Bakteria – mengakibatkan ketidakupayaan kekal untuk melakukan Aktiviti Kehidupan Harian	27	Hilang Pertuturan
05	Tumor Otak Benign – keterukan tertentu	28	Trauma Kepala Major (teruk) – mengakibatkan ketidakupayaan kekal untuk melakukan Aktiviti Kehidupan Harian
06	Buta – Kekal dan Tidak boleh Pulih	29	Transplan Organ Utama/Sumsum Tulang
07	Pembedahan Otak	30	Penyakit Sistik Medular
08	Kanser – keterukan tertentu dan tidak melindungi kanser tahap awal	31	Penyakit Neuron Motor – defisit neurologi kekal dengan symptom klinikal berterusan
09	Kardiomiopati – keterukan tertentu	32	Sklerosis Multipel
10	Anemia Aplastik Kronik – mengakibatkan Kegagalan Kekal Sumsum Tulang	33	Distrofi Otot
11	Keradangan Pankreas Berulang dan Kronik	34	Jangkitan Virus Kurang Daya Tahan Manusia (HIV) dijangkiti melalui Pekerjaan
12	Koma – mengakibatkan defisit neurologi kekal dengan symptom klinikal yang berterusan	35	Kelumpuhan Anggota
13	Pembedahan Pintasan Arteri Koronari	36	Penyakit Parkinson – mengakibatkan ketidakupayaan kekal untuk melakukan Aktiviti Kehidupan Harian
14	Penyakit Creutzfeldt-Jakob (CJD) (Penyakit Lembu Gila)	37	Poliomielitis
15	Pekak – Kekal dan Tidak Boleh Pulih	38	Hipertensi Arteri Pulmonari Primer – keterukan tertentu
16	Elefantiasis	39	Skleroderma Progresif
17	Ensefalitis – mengakibatkan ketidakupayaan kekal untuk melakukan Aktiviti Kehidupan Harian	40	Penyakit Arteri Koronari Serius
18	Kegagalan Buah Pinggang Tahap Akhir	41	Strok/Angin Ahmar – mengakibatkan defisit neurologi kekal dengan symptomsymptom klinikal berterusan
19	Kegagalan Hati Tahap Akhir	42	Pembedahan Aorta
20	AIDS Dengan Gejala Penuh	43	Lupus Eritematosus Sistemik dengan Komplikasi Buah Pinggang yang Teruk
21	Hepatitis Viral Fulminan	44	Penyakit Terminal
22	Serangan Jantung – keterukan tertentu	45	Kelecuran Tahap Ketiga – keterukan tertentu
23	Pembedahan Injap Jantung		

PENGECUALIAN

Pengecualian bagi Manfaat Kematian akibat Kemalangan

Manfaat Kematian akibat Kemalangan di bawah Sijil ini tidak akan dibayar berhubung dengan Orang yang Dilindungi berkaitan dengan sebarang Kecederaan Orang yang Dilindungi yang mengakibatkan Kehilangan yang disebabkan, termasuk akibat daripada mana-mana perkara berikut sama ada secara langsung atau tidak langsung:

- (a) bunuh diri, percubaan bunuh diri atau kecederaan yang dilakukan sendiri ketika waras atau tidak waras;
- (b) peperangan atau sebarang tindakan perang, sama ada diisytiharkan atau tidak, aktiviti jenayah, bertugas secara aktif dalam mana-mana angkatan bersenjata, penglibatan langsung dalam mogok, rusuhan dan kekacauan awam atau pemberontakan;
- (c) disebabkan Orang yang Dilindungi melakukan, mencuba atau membangkitkan keganasan atau feloni atau sebarang pelanggaran undang-undang atau percubaan melanggar undang-undang oleh Orang yang Dilindungi atau mengelak daripada ditangkap;
- (d) di bawah pengaruh alkohol atau dadah melainkan atas arahan oleh pakar perubatan.

Pengecualian bagi Manfaat Hospitalisasi

Manfaat Hospitalisasi di bawah Sijil ini tidak akan dibayar berhubung dengan Orang yang Dilindungi berkaitan dengan sebarang hospitalisasi yang disebabkan, termasuk akibat daripada mana-mana perkara berikut sama ada secara langsung atau tidak langsung:

- (a) sebarang keadaan perubatan atau fizikal yang berlaku dalam Tempoh Menunggu;
- (b) sebarang rawatan atau operasi pembedahan untuk Penyakit Kongenital atau kecacatan termasuk penyakit keturunan;
- (c) kehamilan dan komplikasinya, kelahiran anak (termasuk kelahiran secara pembedahan dan sebarang prosedur bukan pembedahan terhadap sistem pembiakan perempuan semasa kelahiran secara pembedahan), keguguran, pengguguran dan penjagaan serta pembedahan sebelum atau selepas kelahiran, kaedah pencegahan kehamilan kontraseptif mekanikal atau kimia atau rawatan mengenai ketidaksuburan. Ketidaktunggalan erektal dan ujian atau rawatan yang berkaitan dengan mati pucuk atau pensterilan. Walau bagaimanapun, pengecualian ini tidak terpakai kepada apa-apa keguguran di bawah 28 minggu akibat kemalangan di bawah Sijil ini tetapi ia adalah tertakluk kepada had yang untuk perlindungan tersebut. Jika bagaimanapun, Ahli yang Dilindungi mempunyai perlindungan manfaat bersalin, ia adalah tertakluk kepada had manfaat masing-masing;
- (d) rawatan bagi kecederaan yang dialami semasa melakukan jenayah atau perbuatan jenayah, atau semasa berada di bawah pengaruh alkohol, narkotik, atau bahan yang mengubah minda atau bunuh diri, percubaan bunuh diri atau kecederaan diri sendiri dengan sengaja ketika siuman atau tidak siuman.

Pengecualian bagi Manfaat Penyakit Kritikal

Manfaat Penyakit Kritikal di bawah Sijil ini tidak akan dibayar berhubung dengan Orang yang Dilindungi berkaitan dengan sebarang Penyakit Kritikal yang disebabkan secara langsung atau tidak langsung oleh atau berkaitan dengan:

- (a) Penyakit Kritikal sedia wujud sebelum atau pada Tarikh Permulaan atau pada tarikh sebarang penguatkuasaan semula Sijil Takaful, mana yang kemudian; atau
- (b) sebarang rawatan atau pembedahan untuk anomali kongenital; atau
- (c) disebabkan kecederaan badan yang dilakukan sendiri secara langsung atau tidak langsung (kecuali dalam percubaan untuk menyelamatkan nyawa manusia), ketika waras atau tidak waras; atau
- (d) akibat Orang yang Dilindungi melakukan, mencuba atau membangkitkan keganasan atau feloni atau sebarang pelanggaran undang-undang oleh Orang yang Dilindungi.

Nota: Senarai-senarai pengecualian di atas adalah tidak menyeluruh, sila rujuk kepada Sijil Takaful bagi senarai pengecualian yang penuh dan menyeluruh.

NOTIS PENTING

1. Produk **MikroSayang** adalah pelan Takaful Bertempoh Berkelompok yang boleh diperbaharui setiap tahun bagi tujuan perlindungan yang menyediakan pembayaran manfaat sekaligus apabila berlakunya peristiwa-peristiwa berikut. **Pelan ini adalah produk Takaful Keluarga, bukan produk pelaburan seperti unit amanah dan tidak mempunyai sebarang elemen simpanan atau pelaburan.**
 - **Manfaat Kematian akibat Kemalangan:** kematian Orang yang Dilindungi yang disebabkan oleh Kemalangan semasa tempoh perlindungan, dan/atau
 - **Manfaat Hospitalisasi:** kemasukan ke hospital Orang yang Dilindungi di Hospital Panel semasa tempoh perlindungan, dan/atau
 - **Manfaat Penyakit Kritikal:** Penyakit Kritikal Orang Yang Dilindungi semasa tempoh perlindungan.
2. Umur merujuk kepada umur hari lahir berikutnya.
3. Caruman perlu dibayar sehingga tempoh perlindungan tamat atau sehingga Orang yang Dilindungi meninggal dunia, mana yang terdahulu. Sekiranya anda tidak membayar caruman anda di dalam tempoh tenggang selama 30 hari, Sijil anda akan luput.
4. Sijil Takaful akan ditamatkan dan tiada manfaat yang akan dibayar dari Dana Tabarru' apabila berlaku perkara berikut:
 - i. Kematian Orang yang Dilindungi, sama ada Manfaat Kematian akibat Kemalangan dibayar atau tidak;
 - ii. Pembatalan atau penyerahan Sijil Takaful, atau;
 - iii. Penamatan Sijil Induk.
5. Anda seharusnya yakin bahawa pelan ini akan memenuhi keperluan anda dengan sebaiknya dan caruman yang dibayar di bawah Sijil ini adalah jumlah yang anda mampu bayar.
6. "Tempoh Rujukan Percuma" selama 15 hari daripada tarikh anda menerima E-mel Pengesahan Pendaftaran dan Sijil diberikan kepada anda untuk meneliti kesesuaian pelan. Jika Sijil ini dikembalikan kepada kami dalam tempoh ini, kami akan mengembalikan suatu amaun yang bersamaan dengan jumlah caruman yang dibayar.
7. Notis bertulis sekurang-kurangnya selama tiga puluh (30) hari awal akan diberikan ("Tempoh Notis") kepada Orang yang Dilindungi sekiranya terdapat sebarang perubahan terhadap Caruman, Caj Pendahuluan dan/atau Kadar Tabarru' ("Caj dan Kadar"). Caruman dan Caj adalah tidak dijamin dan mungkin berubah pada tarikh pembaharuan Sijil.
8. Sebarang perubahan pada struktur manfaat adalah tertakluk pada semakan semula pada tarikh pembaharuan Sijil oleh kami dengan memberikan anda notis bertulis sekurang-kurangnya 30 hari.

Risalah ini adalah untuk maklumat sahaja dan bukanlah satu kontrak Takaful Berkelompok. Anda dinasihatkan untuk merujuk kepada Risalah Pemberitahuan Produk dan contoh Sijil bagi mendapatkan maklumat terperinci berkenaan ciri penting dan manfaat pelan sebelum menyertai pelan ini. Anda juga boleh merujuk kepada risalah pendidikan pengguna mengenai Takaful Perubatan & Kesihatan yang dikeluarkan di bawah Program Pendidikan Pengguna untuk maklumat lanjut.

Produk ini merupakan produk yang patuh Syariah.

The background of the page is a light gray with a pattern of overlapping triangles in shades of blue and orange. The triangles are of various sizes and are arranged in a way that creates a sense of depth and movement. The blue triangles are a muted, dusty blue, while the orange triangles are a warm, terracotta orange. The overall effect is a modern, minimalist geometric design.

Muka surat ini sengaja dikosongkan

The page is decorated with several semi-transparent geometric shapes, primarily triangles, in light blue and light orange colors. These shapes are scattered across the page, with some overlapping each other. For example, a large light blue triangle is in the bottom left, a light orange triangle is in the top right, and several smaller triangles of both colors are in the center and bottom right.

Muka surat ini sengaja dikosongkan

Pelan ini ditajajamin oleh:



Great Eastern Takaful Berhad. 201001032332 (916257-H)
Level 3 Menara Great Eastern
303 Jalan Ampang, 50450 Kuala Lumpur.



www.mikrosayang.com

Mengenai Great Eastern Takaful Berhad

Great Eastern Takaful Berhad merupakan Pengendali Takaful yang menyediakan perlindungan bagi pelan Takaful Keluarga dan pelan perubatan & kesihatan. Pengendali Takaful ini telah ditubuhkan pada Disember 2010 dan didaftarkan di bawah Akta Perkhidmatan Kewangan Islam 2013 dan dikawal selia oleh Bank Negara Malaysia. Ianya disokong oleh 2 institusi utama di Malaysia, Kumpulan Great Eastern, yang merupakan kumpulan insurans terbesar dan tertua di Malaysia dengan pengalaman melebihi 100 tahun dan Koperasi Angkatan Tentera Malaysia Berhad, salah satu syarikat koperasi yang terbesar di Malaysia dan mempunyai lebih daripada 140,000 ahli.



Great Eastern Takaful Berhad ialah ahli Perbadanan Insurans Deposit Malaysia (PIDM). Sebagai ahli PIDM, sebahagian daripada manfaat yang dilindungi di bawah sijil takaful yang ditawarkan oleh Great Eastern Takaful Berhad dilindungi daripada kehilangan sebahagian atau kesemua manfaat takaful oleh PIDM, sekiranya berlaku kegagalan Pengendali Takaful. Untuk maklumat lanjut mengenai had dan skop perlindungan ini, sila dapatkan risalah maklumat PIDM daripada Great Eastern Takaful Berhad atau layari laman web PIDM (www.pidm.gov.my) atau hubungi talian bebas tol PIDM (1-800-88-1266).

